

吳興叢書

七國考

三

K206

1

七國攷卷六

明烏程董說

秦羣禮

改元

更元 史記秦惠文王十四年更爲元年又十四年而

卒

先是魏惠王三十六年改稱元年後十一年而秦惠王復改元

按周文王改元矣尙

書運期授注云周文王以戊午蒞二十九年受命受命之月已是季秋至明年乃改元書序云惟十有一年武

王伐殷注云本文王受命而數之是年入戊午蒞四十歲矣以厯考之入戊午蒞二十九年歲在戊午其年殷九月二十五日得甲子明年乃改元則元年歲在己未

是得赤雀之命後年改元之驗也武成正義云文王斷
虞芮之訟諸侯歸之改稱元年王應麟曰諸侯自於其
國各稱元年

正朔

閏月 秦別紀宣公初志閏月咸陽記云宣公閏月天
時定矣獻公爲市人志和矣

十月爲歲首 秦紀昭王四十二年先書十月次書九
月四十八年先書十月次書正月五十年先書十月次
書十二月次書二月呂不韋春秋季秋紀亦書合諸侯
制百縣爲來歲受朔日與諸侯所稅于民輕重之法則
自昭王以來用十月爲歲首久矣特始皇定爲制耳

朝會

設九賓 史記趙使相如獻璧于秦謂秦王曰和氏璧天下所共傳寶也趙王恐不敢不獻趙王送璧時齋戒五日今大王亦宜齋戒五日設九賓于廷臣乃敢上璧秦王齊五日後乃設九賓于廷韋昭曰九賓卽周禮九儀索隱曰周禮大行人別九賓謂九服之賓客也列士傳曰設九牢也劉伯莊云九賓者周王大備之禮天子臨軒九服同會秦何得有九賓但亦陳設車輅文物耳又荆軻獻督亢之地圖秦王聞之大喜乃朝服設九賓朝天子 孝公二十年使公子少官率師會諸侯逢澤朝天子

來朝 史記惠文君元年楚韓趙蜀人來朝三年韓魏太子來朝武王四年魏太子來朝昭襄王五年魏王來朝應亭十年楚懷王入朝秦秦留之十七年城陽君入朝及東周君來朝二十九年周君來五十三年天下來賓韓王入朝魏委國聽令凡七國朝會聘享燕饗貢獻一二附于羣禮蓋余非爲記事之書也

聘享

通聘享之禮 秦襄公以兵送周平王平王封襄公爲諸侯賜之岐以西之地曰戎無道侵奪我岐豐之地秦能攻逐戎卽有其地與誓封爵之襄公于是始國與諸侯通聘享之禮

遺女樂 繆公以女樂二八遺戎王戎王受而說之終年不還抱朴子云秦惠王以美女五人與蜀王

歸襪 左傳秦人來歸僖公之襪禮也杜預曰秦慕諸夏欲通敬于魯因有翟泉之盟故追贈僖公并及成風本非魯方嶽同盟無相赴弔之制故不譏其緩而以接好爲禮

朝賀

天子賀 繆公三十七年秦用由余謀伐戎王益國十二開地千里遂伯西戎天子使召公過賀繆公以金鼓孝公二年天子致胙十九年天子致伯惠文王二年天子賀四年天子致文武胙

諸侯賀 孝公二十年諸侯畢賀

以鴈賀 說苑秦繆公得百里奚公孫支歸取鴈以賀

冠禮

王冠 惠文三年王冠昭襄王三年王冠

昏禮

嫁女弟 襄公元年以女弟繆嬴爲豐王妻或曰周無
豐王闕本作幽王蓋幽豐字相近而又適其時作幽似
矣然以余推之果爲幽王所娶當云以女弟繆嬴爲幽
王后妻字無義此或如吳楚之君僭稱王號耳且幽王
娶申后豈得有繆嬴耶

嫁宗女 繆公十五年晉使太子圉爲質于秦秦妻子

圉以宗女

再嫁宗女 繆公二十三年晉惠公卒子圉立爲君秦
怨圉亡去乃迎晉公子重耳于楚而妻以故子圉妻
蠻夷尙女 後漢書云秦惠王并巴中以巴氏爲蠻夷
君長世代尙秦女其人爵比不更有罪得以爵除

宗室

軍功屬籍 秦法宗室非有軍功不得爲屬籍見史記
貢獻

獻夜光之璧 國策張儀爲秦破從連橫說楚王楚王
遺車乘獻夜光之璧于秦王

獻長人 蜀王本紀秦昭襄王時宕渠郡獻長人二十

五丈六尺

燕饗

饋七牢 繆公生得晉君既而與盟許歸之更舍上舍而饋之七牢賈逵曰諸侯雍饋七牢牛一羊一豕一爲一牢也

賞賜

賜食物 范睢傳秦昭王下令國中有敢言鄭安平事者以其罪罪之而加賜相國應侯食物日益厚以順適其意

賜田宅 樛甘傳秦封甘羅爲上卿復以始甘茂田宅賜之

賜爵 史記秦王聞趙食道絕王自之河內賜民爵各

一級

諡法 附稱號

君諡

莊

秦仲子以伐西戎為大夫諡莊公秦自柏翳

始襄

莊公

始封歷非子秦侯公伯秦仲皆無諡至莊公

諡襄

侯

遂諡襄公 文襄公 宣德公 宣德公 宣德公 宣德公

公戰

國

惠文君子諡 德武公弟 宣德公 宣德公 宣德公 宣德公

武王

弟

曰諡悼武 德武公弟 宣德公 宣德公 宣德公 宣德公

成公

弟

任諡悼武 德武公弟 宣德公 宣德公 宣德公 宣德公

好諡

穆公

康任好子 德武公弟 宣德公 宣德公 宣德公 宣德公

哀后

子諡

惠簡公孫諡惠公 悼惠公 悼惠公 悼惠公 悼惠公

躁厲

共公

子懷躁公弟被圍靈懷公孫簡懷公 厲共公

隱曰

簡公

懷公 靈公 季父始獻靈公 子師 孝渠梁諡

皇本

紀云

靈公 簡公 季父始獻靈公 子師 孝渠梁諡

孝惠

文孝

王子諡惠 昭襄武王弟稷 孝文昭襄王子柱

公惠

文王

名駟 昭襄武王弟稷 孝文昭襄王子柱

莊襄

孝文王子楚諡莊襄王其子正立爲始皇帝除諡法

后諡

穆

秦穆公夫人諡穆姬史記作繆王圻曰穆姬

從夫諡也嫁于小國則不從夫之諡如文姜聲姜出姜

姬從

伯姬是也次國亦不從夫之諡如文姜聲姜出姜

齊姜

是以其有叔姬者各據本國次序也五經通義曰

婦人以

隨從爲義夫貴于朝婦貴于室故得蒙夫之諡

又曰

夫人無

罰故無諡

太子諡

靖

文公太子

夷

哀公太子

昭

懷公太子

悼

昭襄太子

杜佑曰

周制士冠禮云天子之元子士也士無諡故知太子無諡王圻曰太子無所施行不得設諡

無諡

出子

甯公少子被殺號出子惠公子被弑號

鑑作出

公故三省云出非諡也以其失國出死故曰出子

仲

秦風車鄰美秦仲也孔子曰秦仲以號配國者附

庸未得

爵命無諡可稱

庸未得

爵命無諡可稱

公 莊公襄公文公寧公德公武公宣公成公穆公康
公共公桓公景公哀公惠公悼公厲共公蹇公懷公靈
公簡公獻公孝公

王 惠文王昭襄王孝文王莊襄王

帝 秦昭王十九年齊王爲東帝秦昭王爲西帝二月
復去帝爲王

君 應劭云秦惠文王初稱君後稱王

太后 事物攷云秦昭王母芊氏號宣太后太后之號
始于此也

田齊羣禮

朝會

朝天子 通鑑周烈王六年齊威王來朝是時周室微弱諸侯莫朝而齊朝之天下以此益賢威王

朝秦 史記齊王建二十八年王入朝秦秦王政置酒咸陽

來朝 宣王二年三晉之王皆因田嬰朝齊王于博望關而去潛王三十八年西侵三晉欲以并周室爲天子泗上諸侯鄒魯之君皆稱臣來朝

昏禮

迎婦 潛王四年迎婦于秦

納后 山東志齊閔王出游東郭百姓盡觀宿瘤采桑如故王問而賢之將載後車女曰貞女一禮不備雖死

不從于是使使者加金百鎰往聘迎之以宿瘤爲后又
鍾離春齊無鹽邑之女齊宣王之后也醜嫁不售宣王
聞其賢納以爲后

燕饗

太牢 顏觸與齊王游食必太牢出必乘車

貢獻

獻玉珥 韓子薛公相齊威王夫人死中有十孺子皆
貴于王于是爲十玉珥而美其一獻之王以賜十孺子
明日視美珥之所在而勸王以爲夫人

獻鵠 魏文侯使舍人毋擇獻鵠于齊見說苑

賞賜

國策齊王逐孟嘗君梁王虛上位遣使者黃金百斤車百乘往聘孟嘗君孟嘗君不往也齊王聞之君臣恐懼遣太傅齋黃金千斤文車二駟服劍一封書謝孟嘗君

賜牛酒 史記田單爲齊相解裘衣寒者王欲因以爲已善乃賜單牛酒嘉其行

賜第 宣王喜文學游說之士自如騶衍淳于髡田駢接予慎到環淵之徒七十六人皆賜列第爲上大夫
威王三賞 國策齊威王下令羣臣能面刺寡人者受上賞上書諫寡人者受中賞能謗議寡人于市朝聞寡人之耳者受下賞

諡法稱號

附

君諡

桓

齊侯田和莊子之子號

威

午子嬰齊僭稱王諡威王宣

子辟疆

潛

辟疆子地諡

襄

地子法章諡襄王法章子建滅子秦無諡也

按戰

國無臣諡或者以威王少子田嬰諡靖郭君嬰子田文

諡孟嘗君失其實矣馮驩曰孟嘗君客我死而後諡生

而稱之乎獨怪王圻續文獻通攷靖郭孟嘗並載諡法

又不能張正義之是折索隱之非兩存抵牾之說何無

主之甚也

右諡法

子 文子桓子武子成子襄子莊子

公 莊子子田和號曰太公

田齊未嘗稱侯

王 威王二十六年稱王宣王湣王襄王王建余按齊

威王二十六年周顯王十六年蓋田齊最先王韓宣惠
王十一年周顯王四十七年趙武靈王元年周顯王四
十四年燕易王元年周顯王三十七年魏襄王元年周
顯王三十五年秦惠文王元年周顯王三十二年先齊
而王者獨楚武王耳

帝 湣王三十六年齊王爲東帝秦昭王爲西帝蘇代
自燕來說齊于是齊去帝復爲王秦亦去帝蓋稱帝者
二月

楚羣禮

朝會

商人見君 韓詩外傳楚國之法商人欲見君者必有

大獻重質然後得見

聘享

獻天子 史記楚成王憚元年初卽位布德施惠結舊
好于諸侯使人獻天子天子賜胙曰凡爾諸侯各敬爾
職無相侵伐○按史記曰鎮爾南方夷越
之亂無侵中國與此文絕異

宗廟

廟堂圖畫 楚辭天問序云屈原放逐憂心愁悴彷徨

山澤經歷陵陸仰天歎息楚有先王之廟及公卿祠堂
圖畫天地山川神靈及古賢怪物所行事周流罷倦休
息其下仰視圖畫因書其壁呵而問之以泄憤懣據此
楚廟有圖畫如周之明堂也

祭典 國語屈到嗜芰有疾召其宗老而屬之曰祭我必以芰及祥宗老將薦芰屈建命去之宗老曰夫子屬之子木曰不然夫子承楚國之政其法刑在民心而藏在王府上之可以比先王下之可以訓後世雖微楚國諸侯莫不譽其祭典有之曰國君有牛享大夫有羊饋士有豚犬之奠庶人有魚炙之薦籩豆脯醢則上下共之不羞珍異不陳庶侈夫子不以其私欲干楚國之典

養老

國老 說苑楚王賜虞工子采地三百號曰國老或作賜茶
田三百號按禮記王制曰有虞氏養國老于上庠養庶日園老
老于下庠夏后氏養國老于東序養庶老于西序殷人

養國老于左學養庶老于右學周人養國老于東膠養庶老于虞庠正義皇氏云人君養老有四一養老更二子孫死難養其父祖三養致仕之老四養庶人之老蔡邕月令章句云三老國老也五更庶老也

禮賢

金幣聘士 韓詩外傳楚莊王使使齎金百斤聘北郭先生又莊襄王遣使以金千斤白璧百雙聘莊子以爲相孔叢子楚王使使奉金幣聘夫子

昏禮

迎婦 懷王二十四年倍齊而合秦秦昭王初立乃厚賂于楚楚往迎婦

自娶太子婦 平王二年使費無忌如秦爲太子建取婦婦好來未至無忌先歸說平王曰秦女好可自娶爲太子更求平王聽之卒自娶秦女生熊珍更爲太子娶宗室

三姓譜屬 離騷注云楚三閭之職掌王族三姓曰昭屈景屈原序其譜屬率其賢良以勵國士蓋楚官多用同姓故譜屬最重也

貢獻

獻藥 楚策有獻不死之藥于荆王者

獻魚 新序楚人有獻魚于王者曰今日漁獲食之不盡賣之不售棄之又惜故來獻也

獻鶴 史記齊王使淳于髡獻鶴于楚韓詩外傳作獻

鵠

獻珥 國策楚王后死未立后也謂昭魚曰公何不請立后昭魚因買五雙珥令其一善而獻之王明日視善珥所在請立之

燕饗

饗鄰國公子 楚成王三十五年晉公子重耳過楚成王以諸侯客禮饗而厚送之于秦

饗鄰大夫 左傳晉卻至如楚聘且涖盟楚子享之反相爲地室而縣焉卻至將登金奏作于下驚而走出觴諸侯 說苑楚莊王爲五仞之臺而觴諸侯昭二年

楚靈王享昭公于新臺好以大屈旣而悔之

賜羣臣酒 楚史檣杙莊王賜羣臣酒日暮酒酣燭滅
有引婦人之衣者

朝設脯糗 楚語云昔鬬子文三舍令尹無一日之積
恤民之故也成王聞子文之朝不及夕也于是乎每朝
設脯一束糗一筐以享子文至于今令尹秩之

賞賜

賜田 宋玉小言賦云楚襄王旣登陽雲之臺命諸大
夫景差唐勒宋玉等竝作大言賦卒而宋玉受賞有作
小言賦王曰善賜雲夢田國策云昭王反郢蒙穀不受
遂自棄于磨山之中至今無冒注謂子孫雖有罪不冒

法也又楚有賞田見左傳

賜地 考烈王元年以黃歇爲相封爲春申君賜淮北地十二縣後十五載黃歇言之楚王曰淮北地邊齊其事急請以爲郡便因并獻淮北十二縣請封于江東考烈王許之春申君因城故吳墟以自爲都邑又襄王封莊辛淮北之地

諡法

稱號附

君諡

武

熊通弑兄蚡冒之子代立諡武王

文

熊通子熊貲諡文王

成

熊貲子熊暉爲太子

商臣所弑

穆

熊暉子商臣弑父代立諡穆王

莊

商臣子侶諡莊王

共

侶子審康

審子招

靈

審子圃諡靈王

平

審子棄疾改名

昭

熊居子珍諡昭王

惠

珍子

諡康王

靈

靈王

平

熊居諡平王

昭

熊居子珍

惠

珍子

章諡

簡

章子中諡簡王

聲

中子當諡聲王

悼

當子類諡悼王

肅

類子臧

惠王

簡

簡王

聲

聲王

悼

悼王

肅

肅王

宣

臧弟

良

夫諡威良夫子熊懷商諡威懷王懷頃襄熊槐子橫考烈子橫

熊元諡幽元子悼諡幽哀悼弟猶

無諡文王熊賁子熊羸是為杜敖無諡康王子員

滅于秦是為郝敖無諡哀王猶庶兄負芻殺猶自立

無諡按楚自熊繹始封至十七世武王而有諡戎翟
之俗積久乃變也按史記楚武王三十五年楚伐隨謂
隨請王室尊吾號王室不聽熊通怒曰我自尊耳乃自
立為武王生以為號死以為諡矣左傳商臣以宮甲圍
成王王請食熊蹯而死不聽丁未王綏諡之曰靈不暝
曰成乃暝其王疾告大夫曰不穀不德少主社稷生十
年而喪先君未及習師保之教訓而膺受多福是以不
得而亡師于鄢以辱社稷為大夫憂其宏多矣若以大

夫之靈獲保首領以沒于地惟是春秋窀穸之事所以
從先君子禰廟者請爲靈若厲大夫擇焉莫對及五命
乃許秋共王卒子囊謀諡大夫曰君有命矣子囊曰君
命以共若之何毀之赫赫楚國而君臨之撫有蠻夷奄
征南海以屬諸夏而知其過可不謂共乎請諡之共大
夫從之是以知楚國諡法之重也若夫杜敖無諡邾敖
無諡則不得其解矣

右諡法

子 熊繹熊艾熊黜熊勝熊楊熊渠

熊渠稱王已而熊復去王稱子 熊

摯紅熊延熊勇熊嚴熊霜熊狗熊罟熊儀

是爲若敖熊坎爲

霄 敖熊胸

是爲

典略云楚自熊繹至蚡冒並稱楚子

王 蚡冒弟爲武王武王之後文王成王穆王莊王共

王康王靈王平王昭王惠王簡王聲王悼王肅王宣王
威王懷王頃襄王考烈王幽王哀王王負芻按熊繹當
周成王之時舉文武勤勞之後嗣而封熊繹于楚蠻封
以子男之田稱楚子當周夷王之時王室微諸侯或不
朝相伐熊渠甚得江漢間民和乃興兵伐庸陽粵至于
鄂熊渠曰我蠻夷也不與中國之號諡乃立其長子康
爲句亶王中子紅爲鄂王少子執疵爲越章王及周厲
王之時暴虐熊渠畏其伐楚亦去其王及熊通立三十
五年伐隨隨曰我無罪楚曰我蠻夷也今諸侯皆爲叛
相侵或相殺我有敝甲欲以觀中國之政請王室尊吾
號隨人爲之固請尊楚王室不聽還報楚三十七年楚

熊通怒曰吾先君鬻熊文王之師也早終成王舉我先公乃以子男田令居楚蠻夷皆率服而王不加位我自尊耳乃自立爲武王蓋周桓王十六年也穀梁傳曰吳楚之君不書葬辟其號也謂辟其稱王之號也

敖 楚熊儀爲若敖熊坎爲霄敖

或作若敖

文王子熊羆爲

杜敖康王子員爲邲敖棄疾卽位葬于于訾實訾敖杜預曰不成君無號諡者楚皆謂之敖余按敖者楚國尊大之別稱楚尊官有莫敖可推也熊眴爲蚡冒冒字不可攷

趙羣禮

朝會

大朝 武靈王十九年春正月大朝信宮二十七年五月大朝于東宮見史記

羣臣宗室之禮 惠文王立四年朝羣臣安陽君亦來朝主父令王聽朝而自從旁觀窺羣臣宗室之禮

大備 悼襄王元年大備正義曰謂行大備之禮也

宗廟

廟見 武靈王十六年五月大朝東宮傳國于何王廟見禮畢出臨朝

養老

三老 武靈年少未能聽政置博聞師三人左右司過三人及聽政先問先王貴臣肥義加其秩國三老年八

十月致其禮

慶賞

置酒酺 惠文王三年主父滅中山遷其王于膚施起
靈壽北地方從代道大通還歸行賞大赦置酒酺五日
按漢書音義云漢律三人已上無故羣飲罰金四兩恩
詔橫賜得令聚會飲食五日酺布也言天子布恩于天
下

貢獻

獻雀 孔叢子邯鄲之民以正月旦獻雀于趙王而綴
以五絲

獻鳩 列子邯鄲之人以正月之旦獻鳩于簡子簡子

大悅厚賞之

賞賜

賜田 趙簡子疾五日不知人扁鵲視之曰不出三日疾有閒居二日半簡子寤董安子以扁鵲言告簡子賜扁鵲田萬畝

賜衣 烈侯好音欲賜鄭歌者槍石二人田各萬畝相國公仲連不與乃進牛畜荀欣徐越三人烈侯悅止歌者田官三人賜相國衣一襲注單複具爲一襲

賜金 肅侯游大陵出于鹿門大戊午扣馬曰耕事方急一日不作百日不食肅侯下車謝賜大戊午金百鎰

見桓譚論

賜冠帶 國策武靈王立周紹爲王子傳又賜周紹胡服衣冠具帶黃金師古注具帶帶飾之備也猶具劔賜璧 虞卿者游說之士躡屣擔簦說趙孝成王一見賜黃金百鎰白璧一雙

賜湯沐邑 信陵君傳公子留趙趙王以鄙爲公子湯沐邑

諡法

稱號附

君諡

烈

趙侯

籍趙獻子

武

烈侯

敬

烈侯

成章

子章

成子

種諡

肅

成侯

武

肅侯

靈

武靈侯

惠

武靈王

子何

孝

成

何子

悼

襄子

幽

繆王

偃

子遷

繆

王徐

獨

追諡

幽繆王

者蓋秦滅趙之後人臣竊

代王滅于秦無諡

此稱

繆王

者蓋秦滅趙之後人臣竊

代王滅于秦無諡

此稱

繆王

者蓋秦滅趙之後人臣竊

后諡 武靈王納吳侯之女娃嬴是爲孟姚有寵卒諡

惠后

右諡法

子 史記趙武卒諡爲文子文子生景叔景叔卒生趙

鞅立是爲簡子簡子卒毋卹立是爲襄子

又襄子弟曰桓子

侯 襄子卒趙浣立是爲獻侯獻侯卒子烈侯籍立烈

侯卒太子章立是爲敬侯敬侯子種立是爲成侯成侯

子語立是爲肅侯

王 肅侯卒子武靈王立按武靈王八年五國相王趙

獨否曰無其寔敢處其名乎令國人謂己曰君及惠文

王立武靈又自號爲主父不知何時稱王也惠文王卒

太子丹立是爲孝成王孝成王卒子偃立是爲悼襄王

悼襄王卒子遷立是爲幽繆王

趙武靈王元年周顯王四十四年

君 見上按武靈王能矯五國之非然趙侯爵稱侯可也今稱君亦無義沈羽云三晉本大夫而爲諸侯者故多稱主君梁王觴諸侯于范臺魯君曰主君之尊儀狄之酒也見國策韓昭侯三日不朝大夫諫曰主君玩國甚矣見典論

父 武靈王自號主父一日君二曰父甚奇

孟 通鑑豫讓漆身爲癘吞炭爲啞行乞于市其妻不識也行見其友其友識之爲之泣曰以子之才臣事趙孟必得近幸胡三省云自春秋之時趙宣子謂之宣孟趙文子謂之趙孟其後遂襲而呼爲趙孟孟長也

追侯 周威烈王二十三年魏韓趙皆立爲諸侯魏文侯二十三年韓景侯六年趙烈侯六年趙烈侯既侯遂追尊獻子爲獻侯焉余又按諸書載列國事蹟其稱號有甚繆者如闕子云趙簡王好獵是趙簡子也班婕妤詠扇畫作秦女王乘鸞向煙霧乃用蕭史事是秦繆公也一統志趙王臺是趙襄子也皆未嘗稱王如楚武王冢皇覽云楚武帝冢韓昭侯作高門胡廣說云昔韓昭帝作高門皆未嘗稱帝是猶朱象不有天下而水經注有鼻天子城山海經有帝丹朱葬處也如楚既僭號而仙鑑有楚莊公則又尊變而卑矣按春秋亦作楚子然子楚爵也春秋不書僭王而書子爵仙鑑稱公無義也

魏羣禮

改元

後元 竹書紀年周顯王三十四年魏惠成王三十六年改元稱一年玉海云魏惠王年號云後元

朝會

朝天子 國策魏惠王擁土千里帶甲三十六萬十八年拔邯鄲西圍定陽從十二諸侯朝天子

來朝 史記惠王十五年魯衛宋鄭君來朝紀年作十四年

受經 史記文侯受子夏經藝客段干木過其閭未嘗不軾也

黃金聘士 孔叢子魏王遣使者奉黃金束帛聘子順
爲相

昏禮

尙主 魏相公叔尙主而害吳起見史記如瀆曰天子
嫁女子諸侯必使諸侯同姓者主之故謂之公主帝姊
妹曰長公主諸王女曰翁主師古曰如說得之天子不
親主婚故謂之公主諸王則自主婚故其女曰翁主翁
者父也言父主其婚也亦曰王主言王自主其婚也揚
雄方言云周晉秦隴謂父曰翁而臣瓚王楙或云公者
比于上爵或云主者婦尊稱皆失之劉貢父曰予謂公
主之稱本出秦舊男爲公子女爲公主古者大夫妻稱

主故以公配之若謂同姓主之故謂之公主則周之事
秦不之用也古之嫁女禮當如周使大夫主之何不謂
之夫主乎然則謂之王主者猶言王子也謂之公主者
緣公而生耳毛晃曰尙崇也高也貴也飾也加也尊也
娶公主謂之尙言帝王之女尊而尙之不敢言娶也小
荀子曰尙主之制非古也釐降二女陶唐之典歸妹元
吉帝乙之訓王姬歸齊宗周之禮也以陰乘陽違天以
婦凌夫違人違天不祥違人不義

燕饗

觴政 說苑魏文侯與大夫飲酒使公乘不仁爲觴政
曰飲而不酌者浮以大白文侯飲而不酌公乘不仁舉

白浮君君視而不應侍者曰不仁退君已醉矣公乘不
仁曰周書曰前車覆後車戒蓋言其危爲人臣者不易
爲君亦不易今君已設令令不行可乎君曰善舉白而
飲飲畢以公乘不仁爲上客

饗功之禮 未學篇云魏武侯卽位設饗功之禮以優
士大夫設坐廟廷爲三行上功坐前行餽席兼重器上
牢次功坐中行餽席器差減無功坐後行餽席無重器
觴諸侯 國策梁惠王觴諸侯于范臺

觴大夫 淮南子魏文侯觴大夫于曲陽

貢獻

獻晨鳧北犬 韓詩外傳魏文侯封太子擊于中山三

年不往來趙倉唐曰君何不遣人使大國太子曰願之
久矣未可得使者對曰臣願奉使侯何嗜好太子曰侯
嗜晨鳧好北犬于是遣倉唐縹北犬奉晨鳧獻之侯曰
擊愛我知我所嗜好○此本說苑與韓詩外傳文小異杜鄴與王音書
云昔文侯膳犬鴈之獻而父子益親

死事之賞 列國紀聞魏文侯舉有功而進賞之有死
事之家歲使使者勞賜其父母又按魏文侯與田子方
語有兩童子衣錦而侍于君側田子方曰此君之寵子
乎文侯曰非也此其父死于戰此幼子也寡人收之是
又恤死事之孤也

賞賜

賜田 惠王索吳起之後賜之田二十萬巴寧襄襄各
十萬惠王曰非公叔何以知三子之功哉又賜公叔田
四十萬加之百萬之上使百四十萬見國策

賜衣 說苑魏文侯封太子擊于中山三年使不往來
趙倉唐奉使侯問子之君長大孰與寡人倉唐曰君賜
之外府之衣則能勝之文侯遣倉唐賜太子衣一襲

諡法

稱號附

君諡 文魏侯斯諡文 武斯子擊 惠擊子 諡惠文紀

襄帶子赫 哀赫子諡哀 王索隱曰系本襄王 昭哀王子

王 安釐昭王子諡 景閔安釐王子增

無諡 景閔王子假 滅于秦無諡

子 武子悼子魏絳絳史無明文無攷 昭子獻子桓子系本有襄子史

無記

侯 文侯二十二年列爲諸侯 武侯惠侯

王 襄王元年 哀王昭王安釐王景閔王王假按魏襄

王元年周顯王三十五年也

追王 史記魏襄王元年與諸侯會徐州相王也然後

追尊父惠侯爲惠王呂氏曰竹書紀年魏惠王三十六

年改元稱一年王與諸侯會于徐州其後十七年卒所

謂今王者襄王也今史記惠王三十六年卒襄王立十

六年卒并惠襄爲五十二年史記誤分惠成王之世爲

二王之年數也其曰襄王元年與諸侯會徐州相王然

後追尊父惠侯爲惠王者卽惠王改元一年會諸侯于
徐州也追王之說史記誤

右呂氏云

索隱曰世本襄王生昭

王而無哀王蓋脫一代耳孔衍敘魏語亦有哀王而紀
年說惠成王三十六年又改元爲後元一十七年卒史
記分惠王之厯以爲二王之年又有哀王凡二十三年
紀事甚明無足疑者然則是紀年之作失哀王之代故
分襄王之年爲惠王後元卽以襄王之年包哀王之代
耳

右索隱云

據呂氏之說襄王不追王據索隱之說惠王不

改元余攷經世稽覽圖魏惠王改元後元一年其年卽
薨子襄王立又按孟子至魏在惠王三十五年其後襄
王立孟子尙在魏也若惠王改元後又十七年而卒孟

子豈能在魏十八年及襄王之世哉當是惠王改元之年卒襄王元年追爲惠王紀年脫襄王一代又誤于慎覲王二年作魏惠王薨當言襄王薨也今王卽哀王也或曰孟子曰梁惠王何也曰從後言之也孟子退而著書之年在襄王追王惠王之後也

韓羣禮

朝會

執珪 孔叢子云韓與魏仇敵之國而韓釐侯執珪見梁君非好卑而惡尊執珪者謂執珪而朝

宗廟

視牲 天中記韓昭侯視所以祠廟之牲其豕小昭侯

令官更之官以是豕來也昭侯曰是非嚮者之豕耶官
無以對命吏罪之從者曰君王何以知之君曰吾以其
耳也

諡法

附稱號

君諡

景

韓侯度

烈

度子

取諡

烈侯

系文

烈侯

子哀

文侯

子為韓嚴

所

懿

哀侯

子若

山

諡懿

侯昭

懿侯

子諡

昭侯

按

昭侯二十五年

作高門

屈宜

曰

昭侯

不出

此

宣惠

侯

昭

侯

按

門云云凡稱昭侯者

三

生而稱諡

大

不可

解

宣惠

侯

昭

侯

按

按

子諡宣襄

宣惠

王子倉

釐

襄

王子

桓

惠

釐

王子

諡

桓

子

韓

武

子

事

晉

封

于

韓

原

十

一

侯

景

侯

始

列

為

諸

侯

烈

侯

文

侯

哀

侯

懿

侯

昭

侯

文

侯

哀

侯

懿

侯

昭

侯

文

侯

哀

侯

懿

侯

昭

侯

文

侯

王 昭侯子宣惠王十一年號爲王襄王釐王桓惠王
王安按韓宣惠王十一年周顯王四十七年六國表作
十年則顯王四十六年也蓋顯王三十二年秦王三十
五年魏王三十七年韓王燕王四十四年趙王數年之
間五王並立矣

君 宣惠王十一年君號爲王據此十一年已前稱君
也

燕羣禮

宗廟

修宗廟 漢略燕昭王三年修其宗廟

修齊廟 白帖燕將樂毅下齊七十城而修齊宗廟

禮賢

築宮 燕昭王爲郭隗改築宮而師事之樂毅自魏往鄒衍自齊往劇辛自趙往

擁篲 史記騶子如燕昭王擁篲先驅請列弟子之位而受業又阮籍奏記云鄒子居黍谷之陰而昭王陪乘

燕饗

馱馱食 鄒陽書蘇秦相燕燕人惡之于王王按劍而怒食以馱馱漢書音義云馱馱駿馬也生七日而超其母王重蘇秦雖有讒謗而更膳以珍奇之味

千里馬肝 燕丹子云太子有千里馬軻曰千里馬肝美太子卽進肝

貢獻

獻豕 朔人獻燕昭王以大豕見符子

獻香 並詳雜徵
獻珠

賞賜

賜羽衣 詳器服

賜后服 通鑑燕賜樂毅輅車乘馬後屬百兩賜樂毅

妻以后服賜其子以公子之服

賜公子服 詳上

賜車馬 詳上

諡法

稱號附

君諡 康 召公自諡康公

惠 康公九世孫諡惠侯懿公

子封北燕伯

子諡惠公戰國昭王子諡

惠釐惠釐侯子諡釐侯閔公子頃釐侯子哀諡哀侯子鄭哀

子諡鄭侯索隱曰諡法無鄭鄭是繆鄭侯子宣繆侯子

桓公桓宣侯子諡桓侯襄公也又釐公諡桓公

昭宣公昭宣公戰武昭公武昭公文桓公諡文公又懿

文公文公諡惠公共悼公平共公簡平公諡簡公

簡公簡公諡獻公索隱曰按紀孝武成王諡孝公戰國成

年燕簡公後次孝公無獻公武成王諡孝王

孝公孝公載閔成公易文公子武成惠王子諡

無諡易王子曾無諡孝王子喜為按續文獻通攷云

燕有南北南燕姑姓北燕即邵公所封也如昭三年書

北燕伯款出奔齊莊二十年書執燕仲父注云即南燕

伯而史記乃其一世家豈遷別有據歟又左傳有莊公

奂之子簡公盈與北燕伯歟又有召穆公虎卽江漢之詩所
卽左傳所謂北燕伯歟又有召穆公虎卽江漢之詩所
稱平淮夷者也而世家亦無之獨有繆侯豈穆卽繆歟
余又按周公名且索隱曰謚文見國語父子君臣同時
並謚矣五經通義曰周桓王時蔡侯卒謚蔡桓侯有德
則善謚無德則惡謚故同也攷燕謚法康公九世孫謚
惠懿公子亦謚惠昭王子亦謚惠惠侯子謚釐閔公子
亦謚釐繆侯子謚宣桓公子亦謚宣宣公子謚桓襄公
子亦謚桓釐公子亦謚桓宣公子謚昭王噲子亦謚昭
武公子謚文桓公子亦謚文獻公子謚孝武成王子亦
謚孝謚不諱同

侯 召公封于北燕已下九世至惠侯可攷惠侯釐侯
頃侯哀侯鄭侯繆侯宣侯桓侯自桓侯後稱公

公 莊公襄公桓公宣公昭公武公文公懿公惠公悼
公共公平公簡公獻公孝公成公湣公釐公桓公文公
王 易王王噲昭王惠王武成王孝王王喜按燕易王
元年周顯王三十七年也趙岐孟子注云以萬乘之國
伐萬乘之國者萬乘非諸侯之號時燕國侵地廣大僭
號稱王故曰萬乘

七國攷卷六

七國攷卷七

明烏程董說

秦音樂

鈞天之樂

碧巖大乘注云秦繆公夢饗於帝庭得鈞天廣樂而下
其後繆公因作鈞天之樂西京賦云昔者天帝悅秦繆
公而覲之饗以鈞天廣樂帝有醉焉乃爲金策錫用此
士而翦諸鶉首

昭和鐘

宋祕閣有秦昭和鐘銘云秦公曰丕顯朕皇祖受天命
奄有下國十有二公不隊上帝嚴龔寅天命保大業故

秦虢事繚夏曰余雖小子穆穆師秉明德獻敷明刑虔敬朕祀以受多福綏和萬民晷夙夕刺刺超超萬生是敕咸畜百辟肩士趨趨文武鎮靜不廷優變百邦於秦執事作盥和鍾故名曰誓邦其音銑銑離離孔煌以昭零孝享以受屯魯多釐眉壽無疆峻惠在位高引有慶匍及四方永寶用宜

靈鼉鼓

李斯諫逐客書陛下建翠鳳之旗樹靈鼉之鼓

宣和琴

古琴錄秦惠文王有琴一曰宣和二曰閑邪夏侯湛琴賦云聊閑邪于五弦兮翼宣和於萬里蓋指此也

閒邪琴

詳見宣和

超屏琴

燕丹子荆軻見秦王將刺之王曰寡人好琴願一曲而就死軻許之因命琴女文馨奏曲曲曰羅縠單衫可掣而絕三尺屏風可超而越鹿盧之劍可負而拔王從其言遂得脫後名其琴曰超屏

盆瓶

戰國策云澠池之會藺相如請秦王盆瓶李斯上書擊瓮叩瓶蓋不獨汲水且以爲樂矣唐人之擊甌本此

缶瓮

許氏說文曰缶者瓦器所以盛酒漿秦人鼓之以節歌
文獻通攷曰古者西戎用缶以爲樂李斯曰擊瓮扣缶
眞秦之聲豈以秦人盡有西戎之地而爲此聲故耶又
六書纂文載太公寶缶銘或云秦之廟器也

箏

李斯諫逐客書曰夫擊甕扣瓶彈箏撫牌而歌呼嗚嗚
快耳目者眞秦之聲也

田齊音樂

房中之樂

鐘石書齊宣王房中之樂金遲石緩絲竹合奏秦漢淫
聲之祖也或云金遲石緩謂用金石之音少專尙絲竹

也余按遲緩之義非廢金石葢絲竹密而金石疎

大呂鐘

樂毅報燕王書大呂陳於元英注大呂齊鐘名又齊策云大王據千乘之地而建千石鐘萬石簏

和竽

孔融云齊宣王好和竽和竽竽之名也猶秦和鐘也齊記云齊宣王好竽竽者廩食百人

齊瑟

選笙賦云齊瑟秦箏歌錄有齊瑟行又蘇秦曰臨菑之民無不吹竽鼓瑟擊筑彈琴

楚音樂

瀟湘洞庭之樂

拾遺記洞庭山浮於水上其下有金堂數百間玉女居之四時聞金石絲竹之聲徹於山頂楚懷王之時舉羣才賦詩於水湄故云瀟湘洞庭之樂聽者令人忘老雖咸池簫韶不能比焉每四季之節楚王常繞山以遊宴舉四仲之氣以爲樂章仲春律中夾鍾乃作輕風流水之詩醺於山南仲夏時中蕤賓乃作皓露秋霜之曲襄陽耆舊傳曰宋玉識音而善文襄王好樂而愛賦旣美其才而憎其似屈原也乃謂之曰子盍從楚之俗使楚人貴子之德乎對曰昔楚有善歌者王其聞與始而曰下里巴人國中唱而和之者數萬人中而曰陽阿探菱國中唱而和之者數百人旣而曰陽春白雪朝日魚麗含商吐角絕節赴曲國中唱而和之者不過數人蓋其曲彌高其和彌寡琴操云一日烈女引楚樊如作又楚膏梁子出遊九皋之澤覽漸水之臺張鼠置罟於荆山

臨曲池而漁而疾風實鬻雷電奄冥天火四起霹靂下
臻元鶴翔其前元虎吟其後乃援琴而歌作霹靂引又
楚昭王得和璧使大夫明光奉璧於趙郡中羊由甫知
趙無反遺乃讒於王曰明光常背楚用趙今使奉璧何
能述功德及明光還怒之
明光乃作歌曰楚明光

地室金奏

左傳晉卻至如楚聘且涖盟楚子享之子反相爲地室
而縣焉卻至將登金奏作於下驚而走出

巫音

呂氏春秋宋之衰也作爲千鐘齊之衰也作爲大呂楚
之衰也作爲巫音注女曰巫楚辭九歌巫以事神其女
妓之流乎

楚些

丹鉛錄齊歌曰謳吳歌曰歆楚歌曰些巴歌曰耀又梁元帝纂要云楚歌曰豔宋玉招魂皆以些字爲尾

躬舞

楚靈王信巫祝之道躬執羽紱起舞壇前吳人來攻其國而靈王鼓舞自若見桓譚新論

萬

左傳令尹子元欲蠱文夫人爲館於其宮之側而振萬焉夫人聞之泣曰先君以是舞也習戎備也今令尹不尋諸仇讎而於未亡人之側不亦異乎

九龍之鐘

淮南子云闔閭伐楚破九龍之鐘許慎云楚爲九龍之

簾以懸鐘也賈子云子胥入郢毀十龍之鐘其說不同不可攷

楚鐘 楚公鐘

趙氏金石錄楚鐘藏方城范氏銘云惟王五十六祀楚王下有字不可識鐘按楚惟惠王在位五十七年此鐘爲惠王作無疑也方是時王室衰弱六國爭疆楚尤強大遂不用周之正朔又金石錄載楚公鐘銘云楚公自作余按楚爵子僭稱王未嘗稱公楚公鐘者當是宰邑大夫所造如葉公之類是也

方磬

桓譚新論云瀟湘之樂方磬爲口

繞梁琴

古琴疏宋華元獻楚王以繞梁之琴鼓之其聲嫋嫋繞於梁間循環不已楚王樂之七日不聽朝樊姬進曰君淫於樂矣昔桀好妹喜之瑟而亡其身紂好靡靡之音而喪其國今君繞梁是樂七日弗朝君樂亡身喪國乎於是以鐵如意搥琴而破之

青翻琴

古琴錄楚王子無虧有琴曰青翻後質於秦不得歸因撫琴歌曰洞庭兮木秋涔陽兮草衰去千里之家國作咸陽之布衣

秋陽琴

襄陽君古器錄繞梁秋陽皆古楚琴

楚笙

關子云楚笙冠中國又列子云墨子儉嗇而非樂者往見荆王衣錦吹笙必楚俗好笙也

警鼓

詳見兵制文獻通考云昔楚厲王有警鼓與百姓爲戒既而飲酒太過而擊民大警使人止之居數月警而擊之民莫有起者邵倫曰楚厲王以軍鼓爲酒鼓可謂竇樂矣

趙音樂

肆夏

禮郊特牲云大夫之奏肆夏由趙文子始也按此趙僭禮樂之始

廣舞

劉歆云趙襄王殺代王於廣舞之中按呂氏春秋簡子死召太子而告之曰我死已葬服衰而上夏屋之山以望太子敬諾簡子死已葬衰服襄子上於夏屋以望代俗其樂甚美於是襄子曰先君必以此教也乃以其女弟妻代君襄子遂謁而請觴之先令舞者置兵其羽中百人先具大金斗代王至酒酣反斗而擊之盡殺其從者因迎其妻其妻聞之遂磨笄以自刺故趙氏至今有磨笄之山歆言廣舞卽此史記無舞者之文

靈文箏

陸機云趙惠文王有箏曰靈文

趙瑟

史記趙王與秦王會澠池秦王使趙王鼓瑟郭恕碑云
屏趙瑟絕秦缶潘岳西征賦恥東瑟之偏鼓提西缶而
接刃

鹿

碧巖大乘注云匏音之妙楚笙趙鹿鹿者笙之類余按
金石錄古祭器有鹿器爲鹿形從此起趙之樂器或此
義也

趙烈侯之石

鐘石書云有石如磬形銘云趙烈侯之石蓋六國時趙烈侯樂器尙書擊石拊石皆指磬也余按趙世家趙烈侯好音謂相國公仲連曰寡人有愛可以貴之乎公仲連曰富之可貴之則否烈侯曰然夫鄭歌者槍石二人吾賜之田八萬畝

魏音樂

金石之樂

國語晉悼公十二年伐鄭軍於蕭魚鄭賂以女樂二八歌鐘二肆寶罇大磬悼公以樂之半賜魏絳曰子教寡人和戎狄而正諸華於今八年七合諸侯寡人無不得志請與子共樂之魏絳辭不得乃受魏於是有金石之

樂也

魏樂書

方樂書云六國時魏文侯最爲好古孝文時得其樂人竇公獻其書乃周官大宗伯大司樂之章也

惠侯琴

天山錄任襄掘地得古物木質金采銘曰魏下又有銘字差細曰惠侯琴蓋戰國梁惠王之琴也按史記淳于髡見梁惠王王屏左右見之終無言王讓之髡曰王志在音知惠王淫於聲樂矣然惠侯是諡或其子孫追銘之也

縣琴

陳暘樂書晉師經以琴撞文侯文侯曰卿何鮮禮之甚也經對曰臣撞桀紂非撞陛下也文侯矐之乃懸琴於門爲終身之戒

槌鑿

劉勰新論云魏文侯好槌鑿之聲不貴金石之和漢書禮樂志云六國魏文侯最爲好古而謂子夏曰寡人聽古樂則欲寐及聞鄭衛余不知倦焉子夏辭而辨之終不見納自此禮樂喪矣

燕音樂

縈塵集羽之舞

拾遺記云燕昭王三年廣延國獻善舞者二人一名旋

娟一名提謨王登崇霞之臺乃召二人徘徊翔舞殆不自支王以纓縷拂之二人皆舞容冶妖麗靡于鸞翔而歌聲輕颺乃使女伶代唱其曲女伶已詳職官清響流韻雖飄梁動木未足嘉也其舞一名縈塵言其體輕與塵相亂次日集羽言其婉轉若羽毛之從風末曲曰旋懷言其支體纏曼若入懷袖也

宗廟之樂 筑

刺客傳燕太子丹使荆軻刺秦王既發太子及賓客知其事者皆白衣冠以送之至易水上既祖取道高漸離擊筑荆軻和而歌爲變徵之聲士皆垂淚涕泣淮南子云荆軻西刺秦王高漸離宋意爲擊筑而謔於易水之

上聞者莫不瞑目裂眦髮植穿冠因此聲爲樂而入
宗廟許慎注筑曲十二弦

七國攷卷七

七國攷卷八

明烏程董說

秦器服

傳車

秦昭王使以傳車召范雎見史記

翠鳳旗

李斯諫逐客書云陛下建翠鳳之旗樹靈鼉之鼓

龍文鼎

史記秦武王有力好戲力士任鄙烏獲孟說皆至大官
王與孟說舉龍文之鼎絕臙而死

智囊鼎

秦丞相樛里子作一鼎文曰智囊古文大篆書見鼎錄

定蜀鼎

張儀伐蜀鑄一鼎高三尺文曰定蜀大篆書見鼎錄

秦公敦

廣川書跋云商人堦中得敦銘曰秦公敦其制盨也

御璽

通鑑秦王下吏治毒毒懼矯王御璽發兵攻斬年宮

相印

史記秦王收穰侯之印注印相印也又應侯歸相印劉向別錄云秦惠文王置相印虎鈕白趾按白趾不可攷

有司印

事物紀原云事物始曰州縣之印始於春秋按商鞅書定分篇曰法令之長卽以封右券以法令之長有印以封印則有司之賜印自秦孝公變法始耳

玉符

通鑑呂不韋爲異人說華陽夫人夫人承間言於太子太子許與夫人刻玉符約以爲嗣

屏風

燕丹子云荆軻把秦王王乞聽琴聲而死召姬人鼓琴琴曰羅縠單衣可掣而絕八尺屏風可超而越按此秦殿上屏風蓋斧屐之遺制也

帶劍

史記秦簡公六年令吏初帶劍正義曰春秋官吏各得帶劍劍有二一佩劍所謂衣冠帶劍是也一兵劍持以相格殺者也秦別紀作簡公七年百姓初帶劍

黼黻之服

史記秦獻公敗三晉之師於石門斬首六萬王賜以黼黻之服孔穎達曰白與黑謂之黼黑與青謂之黻

羅縠衣

詳見屏風據燕丹子秦王衣羅縠單衣坐殿上矣余不能無疑

降服

左傳楚人滅江秦伯爲之降服出次不舉過數大夫諫

公曰同盟滅雖不能救敢不矜乎吾自懼也君子曰詩云惟彼二國其政不獲惟此四國爰究爰度其秦穆之謂矣注云降服素服也

武幘

物原云秦孝公作武幘後漢書輿服志云古者有冠無幘其戴也加首有頰所以安物故詩曰有頰者弁此之謂也三代之世法制滋彰下至戰國文武並用秦雄諸侯乃加其武將首飾爲絳袖以表貴賤其後稍稍作顏題炙轂子云上古被髮服皮三代卽有衣冠皆列品命無敢惑黔首之服以三尺皂絹裹髮名折上巾說略云儀禮士冠庶人巾則古者士以上有冠無巾幘唯庶人

戴之秦謂民爲黔首

青藤山人路史云抹額是大禹所制

旄頭

述異傳云旄頭飾騎秦文公作使之先驅按晉武帝問侍臣旄頭何義彭推對曰秦有奇怪觸木截水無不崩潰惟是畏旄頭故虎士服之此秦制也

象牙釵

中華古今注釵古笄之遺制也至秦穆公以象牙爲之

連環

春秋後語秦始皇聞齊王后賢嘗使遺之連環曰齊人多知能解此乎后以羣臣莫能解乃引椎破之謝秦使曰謹已解矣以報始皇壯其志益不敢謀齊

田齊器服

文車

國策齊王遣太傅齎黃金千斤文車二駟服劍一封書謝孟嘗君

相印

史記騶忌子見三月而受相印衛宏曰秦以前民皆以金玉爲印龍虎鈕唯其所好秦以來天子獨以印稱璽又獨以玉羣臣莫敢用也七雄之時璽始稱曰印余按楚尙有相璽

鹵器

史記潛王二十九年燕將樂毅遂入臨菑盡取齊之寶

國八
藏器及淖齒殺湣王與燕共分齊之侵地鹵器注鹵器宗廟器也又樂毅報燕王書齊器設於寧臺

寶盤

博古圖云楚姬匱盤高四尺五寸深一寸八分口徑一尺四寸三分耳高二寸二分闊二寸八分容一斗重十七斤有半三足銘十有七字曰齊侯作楚姬寶盤其萬年子子孫孫永保用先是得楚姬匱齊侯作楚姬寶匱楚與齊從親在齊湣王之時所謂齊侯則湣王也周室之末諸侯自王久矣銘其器以侯稱之尙知止乎禮義彝器法度所自出故其銘如此容齋洪氏隨筆曰夫齊楚之爲國各數百年豈必當湣王時從親乎且湣王

在齊侯王中最爲驕暴嘗爲東帝豈有自稱侯之理

服劍

詳見文車服劍者王所自佩劍也

側注冠

通典云齊君冠曰側注冠形如通天冠頂不斜卻直豎
鐵爲卷梁高九寸無山展筓一名高山冠其曰側注冠
者冠體側立而曲注故名秦滅齊以賜近臣中外謁者
僕射行人使者等所服

黃金帶

國策魯仲連謂田單曰將軍黃金橫帶而馳乎淄澠之

間

楚器服

楚車

桓譚論云莊王爲車銳上斗下號曰楚車又陸子云楚平王奢侈縱恣不能制下檢民以德增駕百馬而行欲令天下人餒財富利明不可及於是楚國逾奢君臣無別

安車

孔叢子云楚昭王以安車象飾遺孔子又見家語又楚有樓車巢車見楚兵制

王輿

左傳云昭王之在隨也子西爲王輿服以保路國於脾

洩又楚莊王以王輿迎叔敖以爲令尹

篳路

左傳析父曰昔我先王熊繹僻在荆山篳路藍縷以處
草莽杜注云篳路柴車也

青翰舟

說苑云楚鄂君乘青翰之舟張翠羽之鷁

船船

屈原九章乘船船余上沅兮齊吳榜而擊汰注船船船
有窗牖者或曰小船也蓋楚效吳人所爲之權

王旌

左傳楚子之爲令尹也爲王旌以田芊尹無宇斷之曰

一國兩君其誰堪之杜預曰析羽爲旌王旌游至於軫楚僭號故有王旌也

九龍鼎

春秋後語云吳入楚燒高府之粟破九龍之鼎

按楚又有九龍

之鐘見音樂攷

銅盤

平原君傳毛遂從平原君求救合從於楚毛遂謂楚王左右曰取雞狗馬之血來毛遂奉銅盤而跪進之楚王曰王當歃血而定從次者吾君次者遂遂定從於殿上索隱曰銅盤若周禮所用珠盤也

楚王盞彝

周器款識錄有楚王蓋彝又有楚公彝按楚初稱子後僭稱王無楚公之稱

相璽

國策楚置相璽玉海云古有璽說者以秦制乘輿六璽以爲秦始皇者非老子云爲之符璽莊子云焚符破璽春秋運斗樞云黃帝得龍圖中有璽章文曰天黃符璽是古有璽也漢舊儀云秦以前民皆佩綬金玉銀銅犀象爲方寸璽各服所好沈羽云六國制傳信書今世所傳六國璽可攷

將軍節

呂氏春秋墨者田鳩欲見秦惠王留三年而不得見客

有言之於楚王乃往見楚王王悅之與將軍之節以如秦至而得見說略云龍節虎節玉節之類乃後世虎符之屬但可合符者皆謂之節不必盡若旌幢也

印綬

吳越春秋平王謂伍奢之譽二子卽遣使者駕駟馬封函印綬往許召子尚子胥令曰賀二子父奢以忠信慈仁去難就免平王內慚囚繫忠臣外愧諸侯之恥反遇奢爲國相封二子爲侯尚賜鴻都侯胥賜蓋侯相去不遠三百餘里奢久囚繫憂思二子故遣臣來奉進印綬漢官儀云綬者有所承受也所以別尊卑彰有德也

玉屏風

蕭子顯齊書曰襄陽有盜發古塚者傳云是楚王塚獲玉履玉屏風玉屏風甚奇矣按西京雜記云漢朝以玉爲虎子以爲便器使侍中執之行幸以從玉虎子尤可怪

玉鏡

齊春秋云襄陽人發古塚有玉鏡及竹簡古書字不可識王僧虔善識字體亦不能解襄陽古冢卽蕭子顯齊書所稱襄陽楚王塚也

象牀

國策孟嘗君至楚獻象牀按世本云紂爲玉牀

鐵如意

古琴疏楚王樂繞梁之琴七日不聽朝樊妃進諫於是
以鐵如意搥琴而破之

金諸侯

賈子云楚懷王心矜好高人無道而欲有伯王之號鑄
金以象諸侯八君令大國之君編而先馬梁王御宋王
驂乘周召畢陳滕薛衛中山之君皆象使隨而趨諸侯
聞之以爲不宜故興師而伐之

玉劍

詳見翠衣

長鋏

詳見切雲冠王逸楚辭注云長鋏劍名也其所握長劍

楚人名曰長鍊也漢書注云楚長劍有長丈者

翠衣

說苑襄城君始封之日衣翠衣帶玉劍履縞舄立乎流水之上

翠被

左傳楚子田於乾谿雨雪王皮冠秦復陶翠被豹舄執鞭以出困學紀聞云楚之興也筆路藍縷其衰也翠被豹舄國家之興衰視其儉侈而已

絳衣

墨子楚莊王鮮冠組纓絳衣博袍以治其國

博袍

詳見絳衣

楚服

史記呂不韋爲秦異人說於秦及異人至秦不韋使楚服而見王后說其狀曰吾楚人也而自子之乃變其名曰楚

復陶

詳見豹舄注秦所遺羽衣也

長冠

杜氏通典云長冠漢高帝採楚制長冠形如板以竹爲裏亦名齋冠後以竹皮爲之高七寸廣三寸後人謂之鵲尾冠也

遠遊冠

通典遠遊冠秦採楚制楚莊王通梁組纓似通天冠而無山述有展筩橫之於前

獬豸冠

通典獬豸冠秦滅楚獲其君冠賜御史以纚爲展筩鐵爲柱卷取其不曲撓也執法者服之謂之獬豸冠者獬豸神羊一角能別曲直楚王獲之以爲冠異物志曰東北荒中有獸名獬豸一角性忠直見人鬪則觸不直者聞人論則咋不正者淮南子云楚文王好服獬豸冠楚國效之

觥楚冠 雘冠

淮南子云楚莊王好雉楚冠國效之也許慎注今力士

冠雉胡瓦切又淮南子云楚莊王服雉冠又左傳云南冠而縈者誰

也注楚冠也

皮冠

詳見翠被

切雲冠

楚辭帶長鋏之陸離兮冠切雲之崔嵬注切雲當時高冠之名薛孝緒曰楚切雲之冠者士冠也

瓊弁 玉纓

左傳楚子玉自爲瓊弁玉纓未之服也先戰夢河神謂已曰畀余余賜女孟諸之麋弗致也杜預曰弁以鹿子

皮爲之瓊玉之別名次之以飾弁及纓詩云會弁如星

玉屐

襄陽耆舊傳云盜發楚王冢得宮人玉屐一作玉履又

韻書云昔楚昭王與吳戰楚軍敗昭王走而履決失之行三十步復旋取左右問曰何惜此一踣履乎王曰楚國雖貧豈愛一踣履哉惡與偕出弗與俱反也自是之後楚國之俗無相棄者

珠履

春申君客三千人其上客皆躡珠履見史記

豹舄

詳見翠被

縞舄

詳見翠衣

綠佩

慎論先物略云古有楚之綠佩文理光美絲綸直平此古佩之上質按後漢書輿服志云古者君臣佩玉尊卑有度上有韍徐廣曰韍如巾蔽膝貴賤有殊佩所以章德服之衷也韍所以執事禮之共也故禮有其度威儀之制三代同之五伯迭興戰兵不息佩非戰器韍非兵旗於是解去綬佩留其係璲以爲章表故詩曰韜韜佩璲此之謂也又桓寬鹽鐵論云七國之時皆據萬乘南面稱王提珩注提舉也珩佩上玉也所以節行止也

趙器服

輦

史記趙孝成王元年太后曰老婦恃輦而行

相國印

趙惠文王以相印授樂毅詳見職官攷又史記虞卿度趙王終不可說乃解其相印與魏齊亡

令璽

韓子梁車爲鄴令其姊往見之暮而後至閉門因踰郭而入梁車別其足趙成侯以爲不慈奪璽而逐之

珠玉刀劍室

史記趙平原君使人於春申君春申君舍之上舍趙使欲夸春申君爲瑇瑁簪刀劍室以珠玉飾之

銅料

史記趙襄子請代王使廚人操銅料以食代王及從者行斟陰令宰人各以料擊殺代王呂氏春秋作金斗

智伯頭

春秋後語云智伯圍趙襄子於晉陽襄子大敗智伯軍殺智伯漆其頭以爲飲器古今錄云趙漆智伯頭爲飲器其後趙人制飲器大者名曰智伯頭裴氏云飲器棹榼也晉灼云飲器虎子也余按呂氏春秋云斷其頭以爲觴則虎子說非也

貂服

竹書紀年慎靚王十三年邯鄲命將軍大夫適子代史皆貂服余按趙武靈王易服騎射詳見兵制卽此事也貂沙

漠所產當時無肯服者後世極貴重之實始於周末云
殺羊裘

說苑趙簡子敝車瘦馬衣殺羊之裘其宰曰車新則安
馬肥則疾狐裘則溫君宜改之

術士冠

後漢輿服志云術士冠前圓吳制差池遷迤四重趙武
靈王好服之

惠文冠

通典云惠文冠者趙武靈王改古制以金璫飾首前插
貂尾爲貴職秦滅趙以其君冠賜近臣應劭漢官儀云
說者以金取堅剛百鍊不耗蟬居高飲下潔口在腋下

貂內勁捍而外溫潤此因物生義也古今注云貂蟬冠漢制也貂者取其有文而不煥外柔而易內剛而勁蟬者取其清虛而識時變在位者有文而不自耀有武而不示人清虛自牧識時而動應劭云惠文冠者北土多寒因以貂皮溫額後代因之曰惠文惠者蟬也冠文細如蟬翼故名惠文其說非是按武靈王死惠文立惠文者如曰趙王冠也不言武靈易創而難守也

鶡冠

後漢輿服志武冠俗謂之大冠環纓無縗以青系爲緄加雙鶡尾豎左右爲鶡冠云鶡者勇雉也其鬪對一死乃止故武靈王以表武士注云莊子云緦胡之纓武士

之服是也徐廣曰鶡似黑雉出於上黨傅元賦注曰羽
騎騎者戴鶡

爪牙帽子

中華古今注云搭耳帽之制本以韋爲之以羔毛絡縫
趙武靈王更以綾絹皂色爲之始並立其名爪牙帽子
蓋軍戎之服也

皂靴

典略云三代以前人皆跣足三代以後始服木屐伊尹
以草爲之名曰履秦世參用絲革靴本趙武靈王易初
服令有司衣袍者宜皂靴實錄云靴始起于趙武靈王
好服短勒韡黃皮爲之漸以長勒靴軍戎通服之皂靴

之制自武靈王始也學齋佔畢云古有履無靴趙武靈王乃變履爲靴徽宗世嘗變靴爲履高宗世又變履爲鞋

方屐

孔叢子云孔穿履方屐見平原君

貝帶

淮南子云趙武靈王貝帶鷄冠而朝國策王乃賜周祒衣服冠具帶注具帶卽貝帶以貝飾帶也

瑋瑁簪

詳見珠玉刀劍室

魏器服

夏車

國策或爲六國說秦王曰魏伐邯鄲因退爲逢澤之遇乘夏車稱夏王夏車者夏篆也篆其車而五采畫也

七星旗

春秋後語云魏惠王擁土千里帶甲三十六萬十八年拔邯鄲西圍定陽從十二諸侯朝天子以西謀秦秦王恐衛鞅謂魏王曰大王不如先行王服然後圖齊楚魏王說於衛鞅之言也故身廣公宮制丹衣柱建九旂從七星之旗此天子位也而魏王處之於是諸侯伐魏覆其十萬之軍亦見國策七星之旗者帝旗也春秋緯云天子法斗諸侯應宿後漢輿服志曰戰國削滅禮籍修奇麗

之服飾其輿馬文屬玉纓象鑣金鞍以相誇

九旂

詳見七星旗九旂者九旒之旗也

端冕

陳氏禮書武王端冕以奉丹書則天子齋而端冕信矣
諸侯昏禮元冕齋戒魏文侯端冕聽古樂則昏以元冕
攝盛也魏文侯之端冕非攝盛則僭也

彤弓·玉矢

劉氏國語云周威烈王二十三年初使魏趙韓爲諸侯
命魏曰王曰斯汝爲諸侯世世夾輔余周室汝毋不恪
共汝職余有先王之命余亦有車馬彤弓玉矢用錫汝

功業毋使余謂諸侯其大庇其子子孫孫無效於我周
室毋好凶兵惡吉德俾好與惡失度毋使百姓謂我不
性不情毋使慈惠不下暨仁德不上先朱純一白珍一
簣弓三即彤弓也東矢五十即玉矢也以命文侯

朱純 白珍

詳見彤弓玉矢其後文侯生擊立爲太子授以白珍謂
之授命見孟子注蓋魏以白珍傳國矣

石牀 石屏風 玉唾壺 銅帳鉤 銅劍 鐵

鏡 石枕

並詳魏喪制皆魏殉葬之物也

犀篋

曹植逸文云樂羊反於魏謗書盈於犀篋按春秋後語
魏文侯命樂羊將攻中山三年而拔之樂羊反而論功
文侯示謗書一篋

丞相璽

史記蘇代曰太子自相三人者皆以太子爲非常相也
皆務以國事魏欲得丞相璽

上將軍印

信陵君傳魏王見公子相與泣而以上將軍印授公子

令璽

韓非子外儲云西門豹爲鄴令左右惡之居期年上計
君收其璽按六書精蘊云璽印章也從爾從土古之制

字者取命璽守土爲意其在臣也曰君命我矣何爲代
君養民也其在君也曰天命我矣何爲代天養民也秦
制惟天子用璽後之人因改從玉

虎符

詳兵制

韓器服

玉璽

通鑑秦始皇十四年韓王納地効璽請爲藩臣使韓非
來聘

相印

蘇秦傳蘇秦佩六國相印是韓亦有相印也蔡邕釋誨

云連衡者六印磊落

燕器服

輅車

通鑑燕昭王賜樂毅輅車乘馬後屬百兩藝苑卮言云
凡三代兩漢皆用馬車魏晉至梁陳用牛車元魏君臣
有乘馬及牛車者唐雖人主妃后非乘馬卽步輦自郊
祀之外不乘車也

燕鼎

樂毅報燕王書故鼎反乎磨室索隱曰燕鼎前輸於齊
今反入於磨室

召父彝

博古圖周召父彝銘云召父作乃口寶彝

召公尊

博古圖周召公尊蓋高六寸七分深四寸一分口徑長四寸五分闊三寸八分腹徑長五寸四分闊四寸二分容七升七合共重二斤有半蓋器銘云王大召公族於庚辰旅王錫中馬有貫侯四駟南宮王曰用先中勳王休用作父乙寶尊彝此周王褒大召公之族於其廟之器也又旅陳其王所錫之馬駟駟眾多也錫馬蕃庶駟於南宮南宮亦廟也此所謂褒大之也乙者父之名王褒大於廟爲其父作此寶器乃周家召公子孫之酒彝也

瑤璽玉櫝斝耳

左傳昭公六年齊侯伐燕將納簡公七年正月癸巳齊侯次於甹燕人行成曰敝邑知罪敢不聽命先君之敝器請以謝罪公孫皙曰受服而退侯釁而動可也二月庚午盟於濡上燕人歸燕姬賂以瑤璽玉櫝斝耳不克而還注櫝匱也斝爵類傍有耳皆玉爲之

玉盤

燕丹子云太子出美人能琴者軻曰好手琴者卽進之軻曰但愛其手太子卽斷其手盛以玉盤奉之

印綬

史記王噲收印綬自三百石以上而效之子之按後漢

書輿服志曰三王俗化雕文詐僞漸生始有印綬以檢
姦萌周禮掌節有璽節鄭氏注云今之印章也綬組綬
古者佩玉以綬貫之漢承秦制乘輿璽綬諸王以下印
以金銀銅爲差綬以赤紫青黑黃爲差印信也刻文合
信也綬受也轉相授受也三百石吏銅印墨綬或黃綬
王制諸侯大國之卿食祿以田計之爲三十二夫之入
萬石至於斗食左吏凡十六等三百石吏第十等奉月
四十斛

丹綃幄

拾遺記云燕昭王三年廣延國獻善舞者二人王處以
丹綃華幄

麟文席

拾遺記云燕昭王設麟文之席麟文者錯雜寶飾席爲雲霞麟鳳之狀

后服

通鑑燕王賜樂毅妻以后服賜其子以公子之服

公子服

詳后服

羽衣

拾遺記云燕昭王徹色減味居乎正寢賜甘需羽衣一襲表其墟爲明眞里也

七國攷卷八

七國攷卷九

明烏程董說

秦雜祀

西時

史記秦襄公以兵定周周封爵之襄公於是始國通諸侯聘享之禮乃用騮駒黃牛羝羊各三祠上帝西時封禪書云其牲用騮駒黃牛羝羊各一云年表云立西時祠白帝索隱曰襄公始列爲諸侯自以居西時西時縣名故作西時時止也漢書郊祀志曰秦襄自以爲主少昊之神作西時雜祀喪制亦禮也不附羣禮各爲一卷蓋淫祠厚葬戰國無度非禮之禮攷古者禋焉宗廟而外並從雜祀

鄜時

史記秦文公元年居西垂宮三年文公以兵七百人東獵四年至汧渭之會曰昔周邑我先秦嬴於此後卒獲爲諸侯乃卜居之占曰吉卽營邑之十年初爲鄜時封禪書曰秦文公夢黃蛇自天下屬地止於鄜衍史淳曰此上帝之徵君其祠之於是作鄜時用三牲郊祭白帝焉按秦紀祠鄜時用三牢又秦德公元年以犧三百牢祠鄜時德公文公之子也初居雍大鄭宮以犧三百牢祠鄜時卜居雍後子孫飲馬於河漢書郊祀志曰文公夢蛇自天下屬地其口止於鄜衍文公問於史淳淳曰此上帝之徵君其祠之於是作鄜時用三牲郊祭白帝

焉

密時

秦宣公四年作密時見史記漢書注云雍有五時太昊黃帝以下祠三百二所緯略云密時者宣公作在渭南祭青帝不在雍也括地志云漢有五時在岐州雍縣南則鄜時吳陽上時下時密時北時秦文公作鄜郊祭白帝曰鄜時秦宣公作密時於渭南祭青帝秦靈公作吳陽上時祭黃帝作下時亦祠黃帝漢高帝曰天有五帝今四何也待我而具五遂立黑帝曰北時也

上時 下時

秦靈公作吳陽上時下時詳見括地志封禪書云作上

時祭黃帝作下時祭炎帝

畦時

陝西志畦時在櫟陽縣東北三十里秦獻公時櫟陽雨金自以得金瑞故作畦時祀白帝畦時者言其時如畦畛也

武時 好時

雍錄云武時好時在雍縣旁之吳陽此二時者不知何世所造參求其地卽秦靈公所立上時下時吳陽也靈公旣立上下兩時又立武時好時又云秦西時鄜時上時下時漢北時爲五時五時之外又別有四時爲密時畦時武時好時括地志又以密時鄜時上時下時北時

爲五時其說相牴牾也余按封禪書云自秦文公未作鄜時也而雍旁故有吳陽武時雍東有好時皆廢無祠或曰自古以雍州積高神明之隩故立時郊上帝諸神祠皆聚云據此武好二時舊在雍地非始於靈公蓋二時久廢自靈公祠之也

郊

史記秦昭襄王五十四年王郊見上帝於雍滅周之明年也周禮大宗伯以禋祀祀昊天上帝禮記郊之祭迎長日之至也大報天而主日也兆於南郊就陽位也掃地而祭於其質也於郊故謂之郊又曰祭之日王被袞以象天戴冕藻十有二旒則天數也乘素車貴其質也

旂十有二旒龍章而設日月以象天也天垂象聖人則之郊所以明天道也

陳寶祠

秦紀秦文公十九年得陳寶漢書郊祀志云文公獲若石云於陳倉北坂城祠之其神來若雄雉其聲殷殷云野雞夜鳴以牢祠之號曰陳寶臣瓚云陳倉縣有寶夫人祠歲與葉君神會也封禪書云其神或歲不至或歲來來也常以夜光輝若流星從東南來集於祠城括地志云寶雞神在岐州陳倉縣東二十里故陳倉城中又按神僧傳載秦穆公時扶風獲一石由余識爲佛神事頗詭特儒者所不道

怒特祠

五行傳秦立怒特祠祠以白犬元羊史記文公二十七年伐南山大梓豐大特徐廣曰今五都故道有怒特祠錄異傳秦文公時雍南山有大梓樹文公伐之輒有大風雨樹生合不斷時有一人病夜往山中聞有鬼語樹神曰秦若使人被髮以朱絲繞樹伐汝汝得不困耶樹神無言明日病人語聞公如其言伐樹斷中有一青牛出走入豐水中其後牛出豐水中使騎擊之不勝有騎墮地復上髮解牛畏之不出故置髦頭

伏祠 狗禦蠱

史記秦德公二年初伏以狗禦蠱徐廣曰年表云初作

伏祠社磔狗邑四門也胡廣曰秦有伏祭自德公始孟
康曰六月伏日初也周時無至此乃有之麻忌說曰伏
者何以金氣伏藏之日也四時代謝皆以相生立春木
代水水生木立夏火代木木生火立冬水代金金生水
立秋以金代火故至庚日必伏庚者金故曰伏也正義
曰蠱者熱毒惡氣爲傷害人故磔狗以禦之左傳云皿
蟲爲蠱漢書解詁曰狗陽畜也以狗祭社以辟不祥風
俗通曰俗說狗別賓客善守禦故著四門以辟盜賊今
人殺白犬以血題門戶辟除不祥取法於此顧氏說略
云六月上伏秦始皇所置又云秦穆公始爲伏皆誤也

鳳女祠

列仙傳秦穆公時蕭史夫婦皆隨鳳凰飛去故秦人爲作鳳女祠於雍宮中時有簫聲而已

臘祠

史記秦惠文王十二年初臘正義曰十二月臘日也秦惠文王始效中國爲之故云初臘臘禽獸以歲終祭先祖因立此日也漢名臣奏曰秦惠文王初立臘祠冬祭祖考風俗通曰夏曰嘉平殷曰清祀周曰蜡漢曰臘漢書解詁曰周曰大蜡秦始謂之臘尋更曰嘉平漢復曰臘也又左傳晉侯假道於虞以伐虢宮之奇諫弗聽以其族行曰虞不臘矣故疑左傳戰國人書也

蜀水三祀

華陽國志秦孝文王以李冰爲蜀守冰能知天文地理
謂汶山爲天彭門乃至前及縣見兩山對如闕因號天
彭闕髣髴若見神遂從水上立祀三所祭用三牲珪璧
沈瀆

久湫 巫咸 亞馳

金石古文載秦詛楚文文凡三曰久湫曰巫咸曰亞馳

亞馳讀作呼池

其石皆出宋世說者謂初得巫咸文於鳳翔次

得久湫文於渭又次得亞馳文於洛其詞則一唯告於

神者隨號而異其久湫文曰又

通作有

秦嗣王敢用吉玉

瑄璧使其宗祝邵馨布愍告於不顯大沈久湫以底楚
王熊相之多罪昔我先君穆公及楚成王實戮力同心

兩邦若一絳以婚姻祗以齊盟曰葉萬子孫毋相爲不

利親仰大沈久湫而質焉今楚王熊相康讀作庸回無道

淫泆耽亂宣侈競縱變渝盟刺內之則暴虐不辜戮剔

孕婦幽刺親戚拘圉其叔父寘諸冥室櫛棺之中外之

則冒改久心不畏皇天上帝及大沈久湫之光烈威神

而兼倍十八世之詛盟率諸侯之兵以臨加我欲剗伐

我社稷戕滅我百姓求蔑法皇天上帝及大沈久湫之

卹祠圭玉犧牲逮取我邊城新郢及郟音於長親我不敢

曰可今又悉興其眾張矜億怒飾甲底兵奮士盛師以

逼我邊境將欲復其音迹音惟是秦邦之羸眾敝賦輸

輸棧輿禮使介老將之以自救也亦應受皇天上帝及

大沈久湫之幾靈德賜克劑楚師且復略我邊城敢數
楚王熊相之倍盟犯詛著諸石章以盟大神之威神按
方氏跋詛楚文以爲秦惠文王二十六年石湖亦謂當
惠文王之世 按秦在戰國最多鬼祀史記六國表曰
太史公讀秦記至犬戎敗幽王周東徙洛邑秦襄公始
封爲諸侯作西時用事上帝僭端見矣禮曰天子祭天
地諸侯祭其域內名山大川今秦雜戎翟之俗先暴戾
後仁義位在藩臣而臚於郊祀君子懼焉法言曰節莫
差於僭僭莫差於祭祭莫重於地地莫重於天則襄文
宣靈其兆也昔者襄公始僭西時以祭白帝文宣靈宗
興鄜密上下用事四帝而天王不匡反致文武胙

楚雜祀

望祭羣神

左傳楚共王無冢適有寵子五人無適立焉乃大有事於羣望而祈曰請神擇于五人者使主社稷乃徧以璧見於羣望曰當璧而拜者神所立也誰敢違之乃與巴姬埋璧於大室之庭召五子齋而入康王跨之靈王肘加之子比子皙皆遠之平王幼抱而入再拜壓紐故康王以長立至其子失之圍爲靈王及身而弑子比爲王十餘日子皙不得立又俱誅四子皆絕無後惟獨棄疾後立爲平王竟續楚祀如其神符

祭上帝

桓譚新論楚靈王信巫祝之道躬執羽絨起舞壇前吳人來攻其國人告急而靈王鼓舞自若顧應之曰寡人方祭上帝樂明神當蒙福佑焉不敢赴救而吳兵遂至俘獲其太子及后妃以下

祭岡山

左傳楚子滅蔡用隱太子於岡山蔡太子也申無字曰不祥五牲不相爲用況用諸侯乎王必悔之注用太子者楚殺之爲牲以祭岡山之神

厯山祠

越絕書無錫厯山春申時歲祠以牛立無錫塘去吳百二十里

東皇太一祠

屈原九歌有東皇太一按太一天之尊神祠在楚東以配東帝故云東皇淮南子云太微者太一之庭紫宮者太一之居也楚辭注云昔楚南郢之邑沅湘之間其俗信鬼而好祝其祀必使巫覡作樂歌舞以娛神蠻荆陋俗詞旣鄙俚而其陰陽人鬼之間又或不能無褻慢淫荒之雜原旣放逐見而惑之故頗爲更定其詞去其太甚岳陽風土記曰荆湖民俗歲時會集或禱祠多擊鼓令男女踏歌謂之歌場疾病不事醫藥惟灼龜打瓦或以雞子占卜求祟所在使俚巫治之皆古楚俗也

雲中君祠

楚雲中君祠見屈原九歌謂雲神也歌曰浴蘭湯兮沐芳華采衣兮若英靈連蜷兮既留爛昭昭兮未央楚人名巫爲靈子若曰神之子也言使靈巫先浴蘭湯沐香芷衣采衣如草木之英以自潔也

湘君祠 湘夫人祠

九歌有湘君湘夫人皆楚祠也

大司命祠 少司命祠

九歌有大司命祠少司命祠周禮大宗伯以禋燎祀司中司命星傳云三台上台曰司命又文昌宮第四亦曰司命故有兩司命也

東君祠

楚辭注東君祠者日神也禮曰天子朝日於東門之外
東君歌曰緼瑟兮交鼓簫鐘兮瑤簾鳴鼙兮吹竽思靈
保兮賢媵翺飛兮翠會展詩兮會舞應律兮合節靈之
來兮蔽日青雲衣兮白霓裳舉長矢兮射天狼操余弧
兮反淪降援北斗兮酌桂漿注青衣白裳日出東方入
西方故用其方色以爲飾也

河伯祠

見九歌河伯者舊說以爲馮夷其言荒誕不可稽考大
率爲黃河之神耳按楚昭王二十七年春吳伐陳楚昭
王救之軍城父十月昭王病於軍中有赤雲如鳥夾日
西飛昭王問周太史太史曰是害於楚王然可移於將

相將相聞是言乃請自以身禱於神昭王曰將相孤之股肱也今移禍庸去是身乎弗聽卜而河爲祟大夫請禱河昭王曰自吾先王受封望不過江漢而河非所獲舉也止不許

沈馬祠

陸璣要覽楚懷王於國東偏起沈馬祠歲沈白馬名饗楚邦河神欲崇祭祀拒秦師卒破其國天不祐之漢成帝時谷永距絕方士疏云楚懷王隆祭祀事鬼神欲以獲福卻秦師而兵挫地削身辱國危

趙雜祀

霍泰山祀

史記趙襄子立智伯與韓魏分范中行故地智伯益驕請地于趙趙不與智伯遂率韓魏攻趙襄子懼乃奔保晉陽原過從後至于王澤見三人自帶以上可見自帶以下不可見與原過竹二節莫通曰爲我以是遺趙毋卹原過旣至以告襄子襄子齋三日親自剖竹有朱書曰趙毋卹余霍泰山山陽侯天使也三月丙戌余將使女反滅智氏女亦立我百邑余將賜女林胡之地至于後世且有仇王亦黑龍面而鳥喙鬚麋髭頰大膺大胷修下而馮左衽界乘奄有河宗至于休溷諸貉南伐晉別北滅黑姑襄子再拜受三神之令三國攻晉陽歲餘引汾水灌其城城不浸者三板襄子錯龜數策占兆以

視利害何國可降使張孟談潛行反智伯之約私于韓魏與合謀三月丙戌遂滅智氏祠三神于百邑使原過主霍泰山祀括地志云三神祠今名原過祠在霍山側也按趙與秦同姓秦之先帝顓頊之苗裔孫曰女修女修織元鳥隕卵女修吞之生子大業取少典之子曰女華生大費與禹平土已成帝錫元圭禹受曰非子能成亦大費爲輔帝舜曰咨爾費贊禹功其賜爾皂旂爾後嗣將大出乃妻之姚姓之玉女大費拜受佐舜調馴鳥獸是爲柏翳舜賜姓嬴氏大費生子二人一曰大廉實鳥俗氏二曰若木實費氏其元孫曰費昌子孫或在中國或在夷狄費昌當夏桀之世去夏爲湯御敗桀於

鳴條大廉元孫曰孟戲中衍鳥身人言帝太戊聞之遂使御太戊以下中衍之後世有功殷國故嬴姓多顯遂爲諸侯其元孫曰中滴在西戎保西垂生蜚廉蜚廉生惡來惡來有力蜚廉善走父子俱事殷周武王之伐紂也并殺惡來是時蜚廉爲紂取石北方還無所報爲壇霍太山而報得石槨銘曰帝令處父不與殷亂賜爾石棺以華氏死遂葬于霍太山蜚廉復有子曰季勝季勝生孟增孟增幸于周成王是爲宅臯狼臯狼生衡父衡父生造父造父以善御幸于周繆王得驥驪驘騊耳之駟西巡樂而忘歸徐偃王作亂造父爲繆王御長驅歸周以救亂繆王以趙城封造父造父由此爲趙氏中

衍鳥身人言蜚廉石棺天賜跡近鬼神不經聞見是故秦趙二國最重祭祀其所繇來者久也

公孫杵曰程嬰祠

史記晉屠岸賈攻趙氏于下宮殺趙朔趙同趙括趙嬰齊皆滅其族趙朔妻成公姊有遺腹走公宮匿趙朔客曰公孫杵曰友程嬰二人謀立孤杵曰死之程嬰卒立趙武亦自殺趙武服齊衰三年爲之祭邑春秋祠之世世勿絕正義曰今河東趙氏祠先人猶別舒一座祭之士矣

魏祭祀

郊

魏惠王有拜郊臺詳宮室

七主之祭

孟子說文梁襄王借天王之號立七主之祭修英雄之聲號伯中國梁立七主不見他書按封禪書始皇有八神之祭一曰天主二曰地主三曰兵主四曰陰主五曰陽主六曰月主七曰日主八曰四時主梁之七主或亦取乎此也

七國攷卷九

七國攷卷十

明烏程董說

秦喪制

殉葬

按史記秦武公卒初以人從死從死者六十六人繆公三十九年卒葬雍從死者百七十七人秦之良臣子與氏三人名曰奄息仲行鍼虎亦在從死之中秦人哀之爲作黃鳥之詩詩曰交交黃鳥止於棘誰從穆公子車奄息維此奄息百夫之特臨其穴惴惴其慄彼蒼者天殲我良人如可贖兮人百其身交交黃鳥止於桑誰從穆公子車仲行維此仲行百夫之防臨其穴惴惴其慄

彼蒼者天殲我良人如可贖兮人百其身交交黃鳥止
於楚誰從穆公子車鉞虎維此鉞虎百夫之禦臨其穴
惴惴其慄彼蒼者天殲我良人如可贖兮人百其身應

曰秦穆公與羣臣飲酒酹公曰生共此樂死共此哀於是奄息仲行鍼虎許諾及公薨皆從死黃鳥詩所爲作也

也至獻公元年止從死是武公已下十八君皆從死也
又按國策昭襄王時秦宣太后愛魏醜夫太后病將死
出令曰爲我葬必以魏子爲殉據此昭襄之世尙有殉
葬不知獻公止從死之後又起於何代也皇覽塚墓記
云秦始皇塚在驪山之右塚中以水銀爲百川金銀爲
鳧鴈機相輪上具天文下具地理以人魚膏爲燭度久
不滅其葬時後宮無子者皆殉從死者甚衆

以書葬

皇覽云呂不韋好經書多以葬漢明帝朝公卿大夫諸儒八十餘人論五經誤失符節令朱元上言臣聞秦昭王與不韋好書皆以書葬王至尊不韋久貴冢皆以黃腸題湊處地高燥不壞臣願發昭王不韋冢視未焚詩書

合葬

史記正義云昭襄王卒以孝文王母呂太后與昭襄王合葬

太子歸葬

史記秦昭王二年太子質於魏者死歸葬芷陽

壽陵

史記昭襄王卒葬壽陵

黃腸題湊

詳見以書葬蘇林曰以柏木黃心致累棺外故曰黃腸木頭皆內向故曰題湊

墓植柏

博物志云秦穆公時有人掘地得物若羊將獻之道逢二童子謂曰此名爲蠃常在地中食死人腦若欲殺之以柏東南枝插其首由是墓皆植柏墓植柏自秦始也

遺弔

左傳晉獻公之喪秦繆公使人弔公子重耳

諸侯來弔祠

史記昭襄王卒韓王衰經入弔祠諸侯皆使其將相來弔祠視喪事

田齊喪制

殉葬

劉向云昔齊威王卒從死七十二人按括地志云齊桓公墓在臨菑南二十一里牛山上晉永嘉末人發之初得版次得水銀池有氣不得入經數日乃牽犬入得金蠶數十簿珠襦玉匣繒綵軍器不可勝數又以人殉葬

人骨狼藉據此自先齊已殉葬矣

史記齊宣王卒潛王即位蘇秦說潛王厚

葬以明孝高宮室大苑圃以明得意欲破徹齊而爲燕七略云齊潛王厚死人按檀弓云陳子

車死於衛其妻與其家大夫謀以殉葬又陳乾昔疾屬其兄弟而命其子尊己曰如我死則必大爲我棺使吾二婢子夾我左傳宋文公卒始厚葬用蜃炭益車馬始用殉重器備椁有四阿棺有翰檜注始殉用人從葬也又晉景公卒小臣有晨夢負公以登天及日中乃負晉侯出諸厠遂以爲殉又邾子卒先葬以車五乘殉五人注欲藏中之潔故先內車及殉別爲便房蓋其遺命顧愷之啟蒙注云魏時人有開周王家者得殉葬女子經數日而有氣數月而能語年可二十送詣京師郭太后愛養之十餘年太后崩哀思哭泣一年餘而死古之殉葬者多矣

銅椁

從征記曰齊襄王墓在汝水西墓西有僖公墓續從征記曰太公塚在堯山北五里平地爲坂高十丈曾發之者得一銅椁金玉甚多尙父五世葬周此實田和塚也和遷齊君於海上而別爲諸侯亦稱太公也山東志曰四王墓在臨淄縣南十五里鼎足山齊記補遺曰山基圓頂東西直列乃齊威宣湣襄四王墓

按姑蘇志虎邱山下有吳王闔

閻塚銅棺三周水銀爲池金銀爲地古之厚葬蓋有銅棺椁也

出弔

孟子爲卿于齊出弔于滕白虎通曰遣大夫弔辭曰皇天降災子獨遭離之嗚呼哀哉皇覽逸禮曰君使大夫

弔于國君禮錫衰裳并有絰下大夫爲介亦如之士介者將命者總衰裳并有絰異姓葛同姓麻

楚喪制

殉葬

史記楚靈王榜徨山中野人莫敢入王行遇其故銅人謂曰爲我求食銅人曰新王下法有敢饜王從王者罪及三族王因枕其股而卧銅人又以土自代逃去王覺而弗見遂饑弗能起芊尹申無宇之子申亥曰吾父再犯王命王弗誅恩孰大焉乃求王遇王饑于釐澤奉之以歸夏五月癸丑王死申亥家申亥以二女送死并葬之是楚有殉葬之俗也又國策云楚宣王時江乙說於

安陵君曰君無咫尺之功骨肉之親處尊位受厚祿一國之眾見君莫不歛衽而拜撫委而服何以也曰王過舉以色不然何以至此江乙曰以財交者財盡而交絕以色交者華落而愛弛是以駿色不做席寵臣不做軒今君擅楚國之勢而無以自結於王竊爲君危之安陵君曰然則奈何江乙曰願君必請從死以身爲殉此又一證

以書葬

蕭子顯齊書襄陽有盜發古塚相傳是楚武王冢獲竹簡書青絲編簡數分長二尺皮節如新盜以把火照書後人又得十餘簡以示撫軍王僧虔云是科斗書攷工

記周官所闕一統志云楚昭王塚在習池北南齊建元
中盜發書古書竹簡青絲編簡後沈約亦得數簡以示
劉繪繪云周禮逸篇又按玉海云六安縣都陂中有大豕民傳言曰公琴卽皋陶豕楚人謂豕爲琴也又有葛陂城東北有楚武王冢民謂之楚瑟城楚人又謂豕爲瑟矣名號大奇附記于此

銅鼎銘墓

皇覽云漢永平中葛陂城北祝里社下于土中得銅鼎
而銘曰楚元武王墓蓋楚以鼎銘墓也按呂氏春秋曰
含珠鱗施今葬皆用之注含珠口實鱗施施玉匣於死
者之體如魚鱗西京雜記曰廣川王發晉靈公豕得玉
蟾蜍一枚大如拳腹空容五合水光潤如新宋謝惠連
祭古冢文曰東府掘塹一丈得古冢上無封域明器之

屬材瓦銅漆有數十種異形不可盡識刻木爲人長三尺許初開見悉爲人形以物棖撥之應手灰滅水中有甘蔗節及核李瓜瓣皆浮出不甚爛壞世代不可知也酉陽雜俎載齊景公墓在貝邱縣近北近世有人開之下入三丈石函中得一鷺鷥迴轉翅以撥石復下入一丈便有青氣上騰望之如陶煙飛鳥過之輒墮死遂不敢入墨莊漫錄載政和間朝廷求詢三代鼎彝器程唐爲陝西提點茶馬李朝儒爲陝西轉運遣人於鳳翔府破商比干墓得銅盤徑二尺餘中有欵識一十六字又得玉片四十三枚其長三寸許上圓而銳下闕而方厚半指玉色明瑩此皆以物殉葬之絕異者也

歸喪

楚世家頃襄王三年懷王卒于秦秦歸其喪于楚人皆憐之如悲親戚

赴

史記邾敖旣死公子圍使使赴于鄭伍舉問曰誰爲後對曰寡大夫圍伍舉更曰其王之子圍爲長杜預曰伍舉更赴辭重從禮告終稱嗣不以篡弑赴諸侯

趙喪制

會葬

史記肅侯二十四年卒秦楚燕齊魏出銳師各萬人來會葬

壽陵

史記肅侯十五年起壽陵國語管仲曰定民之居成名之事陵爲之終是民之墓亦稱陵也周顯王三十四年趙起壽陵秦惠文始以墓稱陵而民不得稱

水冢

隋圖經云厯陵縣西十里趙簡子冢石虎令人發之初得炭深一丈得連木木厚高八尺次得流泉水水色清冷非常以牛皮爲囊作絞車以汲之一月而水無極乃止築城繞之氣成樓闕

赴

主父死乃發喪赴諸侯見趙世家

魏喪制

以書葬

東晉傳晉太康二年汲郡人盜發魏襄王墓或云安釐王冢得竹書數車其中與經傳大異者云夏年多殷益干啟位啟殺之太甲殺伊尹文王殺季歷自周受命至穆王百年非穆王壽百歲也幽王既亡其伯和者攝天子事非二相共和也初發塚者燒策照取寶物及官收之多燼簡斷策據此魏以書葬也餘冬序錄云汲縣發古冢人姓不字呼作彪其名準一統志又云漢初有人發魏襄王冢得竹簡書十餘萬言胡應麟曰武帝紀咸寧五年汲郡人發魏襄王冢非太康二年襄王卽孟

子所謂不似人君者而冢中獨竹書數十車古器一二他服玩珍怪無聞焉卽世傳三書無論如大易繫辭或燼于秦火而出于冢中則襄王竹簡豈不與孔壁同功哉當戰國紛爭雅尙如襄王誠未易者

裸葬

西京雜記魏王子且渠冢甚淺狹無棺柩但有石床廣六尺長一丈石屏風床下悉是雲母床上兩屍一男一女皆年二十許東首裸卧無衣衾據此魏有裸葬之俗也按張華博物志云楚之南有炎人之國其親戚死朽其肉而棄之然後埋其骨乃爲孝也此與裸葬并爲特異

更葬日

國策魏惠王葬有日矣天大雨雪至于牛目壞城郭且爲棧道而葬羣臣多諫太子者曰雪甚如此而喪行民必甚病官費又恐不給請弛期更日太子曰爲人子而以民勞與官費之故而不行先王之喪不義也羣臣皆不敢言惠公駕而見太子曰葬有日矣太子曰然惠公曰昔王季厯葬于楚山之尾欒水齧其墓見棺之前和文王曰嘻先君必欲一見羣臣百姓也夫故使欒水見之於是出而爲之張朝百姓皆見之三日而後更葬此文王之義也今葬有日矣而雪甚及牛目難以行太子爲及日之故得無嫌于欲亟葬乎願太子更日先王必欲少留而扶社稷安黔首也故使雪甚弛期而更爲日

此文王之義也若此而弗爲意者羞法文王乎太子曰甚善謹弛期更擇日按王制云葬不爲雨止注云雖雨猶葬以其禮儀少也

鐵券 石人

西京雜記晉人有發魏哀王冢者哀王冢以鐵灌其上穿鑿三日乃開有黃氣如霧觸人鼻目皆辛苦不可入以兵守之七日乃歇初至一戶無扃鑰石牀方四尺牀上有石几左右各三石人立侍皆武冠帶劔復入一戶石扉有關鑰叩開見棺柩黑光照人刀斫不入燒鋸截之乃漆雜兕革爲棺厚數寸累積十餘重力不能開乃止復入一戶亦石扉關鑰得石牀方七尺石屏風銅帳

鏹一具或在牀上或在地下似是帳縻朽而銅鏹墮落
牀上石枕一枚塵埃跼跼甚高似是衣服牀左右石婦
人各二十悉皆立侍或有執巾櫛鏡鐸之象或有執盤
捧物之形無餘異物但有鐵鏡數百枚焉

文石櫛

魏襄王冢皆以文石爲櫛高八尺許廣狹容四十人中
有石牀石屏風牀上有玉唾壺一枚銅劔二枚金玉雜
具見西京雜記檀弓曰有虞氏瓦棺又秦之先有石棺
古史攷曰堯作瓦棺湯作木棺郭緣生述征記曰桓魋
石櫛在九里山之東北也櫛有二重門間隱起青石方
淨如鏡門扇數四博物志曰衛靈公葬得石櫛銘曰不

逢箕子靈公奪我里荊州記曰臨湘水中有石牀牀上
有二石棺色綠如銅鏡莫能詳也吳越春秋曰吳王闔
閭有女自殺闔閭痛之甚葬于邦西閭門外文石爲棺

槨

七國攷卷十